

## Papia 1 Jon da Mandagit

*But piso gen*

Jon, Yesu dakon panjetni kinda da papia on mandagit.

Papia on dakon mibili bamori kisi. Jon unun Yesu yolyol amin panpuluganban Pinjop Dat gat ae Monji Yesu Kristo gat but kalonji egipneŋ do yosok. Ae pilin tuk dakon miŋat aminyo da panjiklikba Pinjop dima yipmandetni do yosok.

“Pilin tuk dakon amin kabi” unun da gen bamori yan yoŋ: Kinda unun on miktimon yo toŋ unun tagi dima, do Yesu unun Pinjop dakon Monji tam, amin daganek miŋat aminyo nin da ekwaman unun da aripmon miktimon yo morap gat aripmi dima gadanom. Ae kinda yoŋ unun Yesu unun asi Pinjop dakon Monjisi tam aminsi aripmi dima daganban.

Yan yoŋ, amin kinda Pinjop gat tagisi egip do nandisak kaŋ, miktim dakon yo morap do nandak nandak dima asak. Anpak kilegi gat ae amin do but dasi galak taŋ yomyom anpak unun kisi on miktim dakon anpak, do unun do but dima yopni yan yawit.

Jon da Yesu yolyol amin gen unun do mirak dimasi yopni do yosok. Yan yosok, Yesu Pinjop dakon Monjisi da aminsi dagagit, do miŋat aminyo Yesu nandan gadan iminek Pinjop but dasi galak taŋ iminek ae amin do but dasi galak taŋ yomiŋ kimotni do yosok.

*Nin tenjenikon egek pilin tuk dakon amin dakon  
top geni dima nandan yomnen  
(Kilapmi 1.1-3.10)*

*Gen egip egipmi ton unun nomansi altagit*

<sup>1</sup> Nin Gen egip egipmi ton unun do yan tenjenok aman. Unun Gen abikisigwan wasok wasogikon kili egipgut da egisak. Nin mirak yopmanapno gen yagit, ae dabil da kagiman, ae kisit da kwenikon igayigiman.

<sup>2</sup> Unun egip egip nomansi altanban kagiman. Nin unun egip egip dagok dagogi mini do yan tenjenok an damaman. Unun Dat gat egipgut da nomansi altanban kagiman.

<sup>3</sup> Ji nin gat but kalon anek egipnen do anek yo kan nandan yo agiman unun do dayaman. Nin Dat gat ae Monji Yesu Kristo gat but kalon anek ekwaman.

<sup>4</sup> Kisik kisiknin da madepsi tungan tosak, yan do gen on mandan damaman.

*Tenjenikon gin egipnen*

<sup>5</sup> Yesu Kristo da gen yanban nandagiman unun nan gin dayaman. Gen unun yan: Pin kop unun tenjen. Unudon pilin tukjok kind dimasi toso.

<sup>6</sup> Nin unun gat but kalon ekwaman yan yanek kosit pilin tukgwan agipnen kan, nin top yanek anpak bamisi dima aman.

<sup>7</sup> Mani iyi tenjenikon egisak unun da tilagon tenjenikon agipnen kan, nin Pin kop dakon amin kabini gat but kalon aman. Anek Monji Yesu dakon yawi da diwarinin kisisi suganban jimjimi minisi aman.

<sup>8</sup> Nin diwarinin mini yan yoman kan, nin ninban panjkealgaman. Anek gen bami ninon dima toso.

<sup>9</sup> Mani diwarinin yan kwok ane kan, Pinj kop da yo ak do yagit unun akdisak, unun anpak kilegikon da diwarinin yopman nimjak, anek anpak yokwi morap ninon toj unun wiririkban gwaljigi mini an mudone.

<sup>10</sup> Pinj kop da nin do yokwi pakpak amin yan yanakan nin diwarinin mini yan yoman kan, unun gen yoman unun da Pinj kop unun top amin yan iyaman. Anek Pinj kop dakon gen butninon dima toso.

## 2

### *Kristo unun panpulugoknin*

<sup>1</sup> Minjat monjijono, yokwi dima ani do anek papia on mandan damisat. Mani amin kinda yokwi asak kan, amin kilegisi Yesu Kristo da nin pangolgol anek Dat gen iyisak.

<sup>2</sup> Yesu iyi diwarinin wiririt dakon paret dagagit. Ae nin do gin dima, amin morap miktimi miktimi ekwan unun dakon diwarini kisi do agit.

### *Amin kinda Pinj kop pakyanji nandan imisak unun da anpakni yoldak*

<sup>3</sup> Nin Pinj kop dakon gen teban guramikgaman kan yanji nandaman, nin Pinj kop pakyanji nandan imaman.

<sup>4</sup> Amin kindā “Nak Piṅkop pakyaṅsi nandan imisat” yaṅ yosok, mani gen tebani dima guramikdak kaṅ, uṅun amin top amin kindā. Gen bami butnikon dima tosoḱ.

<sup>5</sup> Mani amin kindā gen tebani guramikdak kaṅ, uṅun amin da Piṅkop pakyaṅsi but dasi galak taṅ imisak. Yaṅ aṅek egip egipni Piṅkopmonsi taṅakwan egisak.

<sup>6</sup> Nin egip egipnin Piṅkopmonsi taṅakwan ekwamaṅ yaṅ yoneṅ kaṅ, Kristo da aṅpak agit uṅun aṅ kimotneṅsi.

<sup>7</sup> Not kabi, on gen teban mandaṅ damisat uṅun kalugi dima, uṅun kalipmi. Ji uṅun gen teban nandaṅ gadat si wasaṅek awit bisapmon kili abidawit. Gen kili nandawit uṅun gen teban kalipmi on uṅun gin.

<sup>8</sup> Mani on gen teban mandaṅ damisat uṅun da kalugi yaṅ kindā asak. Pilin tuk uṅun pasil do aṅakwan teṅteṅi bamisi uṅun kili yamaṅdak, do uṅun gen teban dakon bami Kristokon taṅban komaṅ, ae jikon yo kisi taṅban komaṅ.

<sup>9</sup> Amin kindā nak teṅteṅikon egisat yaṅ yosak, mani paṅmuwukbi notni kindā do nandaban yokwi tok aṅ imisak kaṅ, uṅun amin pilin tukgwan sigin egisak.

<sup>10</sup> Amin kindā amin do but dasi galak taṅ yomisak kaṅ, uṅun teṅteṅikon egisak. Teṅteṅikon agakwan yo kindā da aripmi dima kesalban aṅatjak.

<sup>11</sup> Mani amin kindā paṅmuwukbi notni kindā do nandaban yokwi tok aṅ imisak, uṅun amin pilin

---

**2:5:** Jn 14.21,23    **2:7:** Jn 13.34; 2Jn 5-6    **2:8:** Jn 1.9; Ro 13.12  
**2:9:** 1Jn 4.20    **2:10:** Ro 14.13    **2:11:** Jn 12.35

tukgwan egisak. Piliñ tuk da dabili sopmak, do unjungwan agek dukwan agisak unjun buri dima pisosok.

<sup>12</sup> Miñat monjiyono, Kristo dakon man do anek Piñkop da yokwisi yopman damgut. Unjun do anek on papia mandañ damisat.

<sup>13</sup> Dat kabi, amin unjun wasok wasogikon egipgut da egisak unjun nandan iman. Unjun do anek on papia mandañ damisat. Wili gimonji, ji Yokwi Ami kili abin yipgwit. Unjun do anek on papia mandañ damisat.

<sup>14</sup> Miñat monjiyo, ji Dat pakyañsi nandan iman. Unjun do anek on papia mandañ damisat. Dat kabi, amin unjun wasok wasogikon egipgut da egisak unjun nandan iman. Unjun do anek on papia mandañ damisat. Wili gimonji, ji amin tebaisi, ae Piñkop dakon gen ji da buron tebaisi tosok, ae Yokwi Ami kili abin yipgwit. Unjun do anek on papia mandañ damisat.

*On miktim dakon yo morap do but dasi dima galak toner*

<sup>15</sup> On miktim gat ae yo morap miktimon ton unjun do but dasi dima galak toni. Amin kinda on miktim do but dasi galak tan imisak amin Dat but dasi dima galak tan imisak.

<sup>16</sup> On miktim dakon anpak yokwi morap unjun Daron da dima aban. Anpak unjun yan: yokwi ak do but kindap agak, ae pindak galaktok, ae yo kabini morapmi tan yoman unjun do pibit tidok anpak. Unjun kisi on miktim dakon anpak.

<sup>17</sup> On miŕtim gat ae galaktok yokwini gat pasul-damal, mani amin kinda Piŕkop dakon galaktok yoljak kaŕ, egip egip dagok dagogi mini egipjak.

*Kristo dakon uwalni kili noman tak*

<sup>18</sup> Miŕjat monjiyono, abisok mibi bisapmon ekwaman. Kristo dakon uwal unun apdisak dakon geni kili nandawit. Abisok uwalni morapmi kili noman taŕ, do nin mibi bisapmon ekwaman yaŕ nandaman.

<sup>19</sup> Unun amin kabi kalip nin gat egipguman da nipman kiwit. Mani unun nin da kabikon nani dima. Nin da kabikon nani tam nin gat sigin egipnom. Mani kilini kiwit unun da nolisak, unun nin da kabikon nanisi dima.

<sup>20</sup> Mani Telagi Wup kili abidawit, do ji kisisi gen bami nandan.

<sup>21</sup> Gen bami dima nandan yaŕon da on gen dima mandan damisat. Ji gen bami nandan, ae gen bami da top gen dima paŕalon asak yaŕ nandan do anek papia on mandan damisat.

<sup>22</sup> Top amin unun namin? Yesu unun Kristo, Piŕkop da miŕjat amin kabiyoni yokwikon baŕ timitjak do manjikbi amin dima yaŕ yosok amin unun top amin. Unun amin unun Kristo dakon uwalni. Unun Dat gat ae Monji gat kisi do wasip yosok.

<sup>23</sup> Amin kinda Monji do wasip yosok unun Dat do kisi yosok. Mani amin kinda Monji nandan gadan imisat yaŕ yosok unun Datyo kisi nandan gadan imisak.

---

**2:17:** Mt 7.21    **2:18:** Mt 24.5,24; 2Jn 7    **2:19:** Ya 20.30    **2:20:** 1Ko 2.15; 2Ko 1.21; 2Jn 2    **2:22:** 1Jn 4.3; 2Jn 7    **2:23:** Jn 5.23; 1Jn 4.15; 5.1

*Telagi Wup da gen bamɪ niyiŋ dekdak*

<sup>24</sup> Ji nandan gadat wasaŋek awit bisapmon gen nandawit uŋun tebaisi abidoni. Yan ani kaŋ, egip egipji Monji gat Dat garon taŋakwan egipdaŋ.

<sup>25</sup> Kristo da egip egip dagok dagogi mini nim do yan teban tok agit.

<sup>26</sup> Top gen dayiŋba kosit kilegi yipmaŋ detdaŋ amin dakon mibilni nandani do on papia mandaŋ damisat.

<sup>27</sup> Mani Kristo da Telagi Wup kili daban abidawit. Uŋun ji gat sigin egisak, do namɪn amin da dayiŋdet asak yan do wisik wisik agagi mini. Telagi Wup da iyi yo morap do dayiŋ dekdak. Ae gen morap dayisak uŋun top dima, bamisi baŋ dayisak, do Telagi Wup da dayiŋ dekdak uŋun da aripmon Kristokon gadaŋek egipni.

*Nin abisok Piŋkop dakon gwakni kabi ekwamaŋ*

<sup>28</sup> Miŋat monji kabino, ji Kristokon gadani. Yan aŋakwa abiŋ noman tosak bisapmon nin tebaisi agek iŋamnikon mayaktok dima paner.

<sup>29</sup> Kristo uŋun amin kilegisi yaŋsi nandamaŋ, do uŋunyo kisi nandamaŋ, amin morap aŋpak kilegi aŋ uŋun Piŋkop dakon gwakni kabi ekwaŋ.

### 3

<sup>1</sup> Mao, Dat da nin do but dasi galak taŋ nimisak uŋun madepsi daman. Piŋkop dakon gwakni kabi yaŋsi niyisak. Asi, nin Piŋkop dakon gwakni kabi ekwamaŋ. Miktɪm amin da Piŋkop dima nandaŋ imgwit, uŋun do aŋek ninyo kisi dima nandaŋ nimaŋ.

<sup>2</sup> Not kabí, nin abísok Piñkop dakon gwakni kabí ekwaman, ae don egíp egíp nian egípdaman unun díma nandano písosok. Mani yan nandaman, Kristo da abíñ noman tosak bisapmon Kristo bamísi kokdaman, do nin iyí yombemsi da egípdaman.

<sup>3</sup> Amin morap unun do nandan teban tanjek ekwan amin unun Piñkop da dabilon gwaljigi minisi egíp do pini an. Yan anek Kristo gwaljigi minisi egisak unun yombem gin ekwan.

<sup>4</sup> Yokwi an amin unun Piñkop dakon gen teban yapmanan. Yokwi agak unun gen teban yapyap anpak.

<sup>5</sup> Ji nandan, Kristo unun diwarí wiririt do abíñ noman tagit, ae iyikon diwarini minisi.

<sup>6</sup> Amin kindá Kristokon egisak kan yokwi díma asak. Amin kindá yokwi sigin asak kan, unun Kristo bamísi díma nandan imisak.

<sup>7</sup> Minjat monji kabino, amin da kosit kilegi yipman detni do top dayikdan do kan kimotni. Amin kindá anpak kilegi asak unun amin kilegi, Kristo yombem egisak.

<sup>8</sup> Amin kindá yokwi asak unun Sunduk dakon amin, nido wasok wasogikon da Sunduk unun yokwi sanbek sanbek agit da asak. Piñkop dakon Monji unun Sunduk dakon pi tuwil pantasik ak do abíñ noman tagit.

<sup>9</sup> Amin kindá Piñkopmon da altosok unun Piñkop dakon egíp egípní unun aminon tosak, do yokwi díma an an asak. Piñkopmon da altanbi, do yokwi aripmi díma an an asak.



<sup>10</sup> Pinjkop dakon gwakni kabi ae Sunduk dakon gwakni kabi yañon da kokwinigek nandaman. Amin kinda anpak kilegi dima asak, unun Pinjkop dakon monji dima. Ae amin kinda panmuwukbi notni do but dasi dima galak tan yomisak, unun Pinjkop dakon monji dima.

## **Yesu da amin do but dasi galak tan yomyom dakon anpak noligit** (Kilapmi 3.11-5.21)

*Nin kalon kalon amin do but dasi galak tan yomneñ*

<sup>11</sup> Nin Kristo wasaneñ nandan gadan inguman bisapmon gen kili nandagiman unun yan: Nin kalon kalon panmuwukbi notnin do but dasi galak tan yomiñ yomiñ aneñ.

<sup>12</sup> Ken da agit unuden dima aneñ. Unun Yokwi Ami dakon amin egek padige anakban kimakgit. Mibili nido anakban kimakgit? Iyi dakon anpak unun yokwi, ae padige dakon anpak unun kilegi, mibili yan do agit.

<sup>13</sup> Not kabi, miktin amin da nandaba yokwi tok andamni kan, dima wuripdatni.

<sup>14</sup> Nin panmuwukbi notnin diwarì do but dasi galak tan yomaman. Yan aman do anek yan nandaman, nin kimot dakon kosit kili yipguman da egip egip dakon kosit nan yolgaman. Amin kinda amin do but dasi dima galak tan yomisak unun amin kimot da kosiron sigin agisak.

<sup>15</sup> Amin kinda notni do nandaba yokwi tok an imisak kan, unun amin unun amin dapdap amin

kinda. Disi nandan, amin dapdap amin unun egip egip dagok dagogi mini dima timikgan.

<sup>16</sup> Nin amin do but dasi galak tan yomyom dakon anpak bamisi unun nandan, nido Yesu unun nin panpulugok do egip egipni paregek kimakgit. Ae ninyo kisi panmuwukbi notnin panpulugok do egip egipnin paregek kimotnensi.

<sup>17</sup> Mani amin kinda miktim dakon yoni tan iminakwa notni kinda wadak wadak anek egakwan kanek bupmi nandan iminek dima anpulugosakan, Pin kop da amin do but dasi galak tan yomisak unun dakon anpak unun aminon dima tosok.

<sup>18</sup> Minjat monjiyono, amin do but dasi galak tan yomner unun genon dagin dima yoner, anpagon da bamisi anen.

*Parmuwukbi Pin kop da dabilon tebaisi atni*

<sup>19-20</sup> Nin amin do but dasi galak tan yomaman kan yan si nandan, gen bami yolgaman. Ae butnin da nin pan kiligek gen yan nimisakan, Pin kop da dabilon butnin yawori tosok, nido Pin kop da yo morap kisi nandan mudosok, ae nandak nandakni da butninon nandak nandak ton morap unun yapman mudosok.

<sup>21</sup> Not kabi, butningwan da nin gwaljigi mini yan si nandan kan, Pin kop da dabilon pasol pasoli mini atner.

<sup>22</sup> Nin gen tebani yolgaman ae anpak anen do galak tosok unun aman, do bisiron da yo nido iyaman unun nimisak.

<sup>23</sup> Gen tebani unun yan: Monji Yesu Kristo nandan gadan imnensi, ae iyi niyigit unuden gin amin do but dasi galak tan yomnen.

<sup>24</sup> Amin kinda gen tebani guramikdak unun amin Pinjkopmon egisak, ae Pinjkop unun aminon egisak. Pinjkop da Telagi Wupni nimgut, do nin yansi nandaman, Pinjkop ninon egisak.

## 4

### *Ji wup mibili mibili kokwin ani*

<sup>1</sup> Not kabi, on miktimon kombi amin toptopmi morapmi ekwan, do amin da abinek Pinjkop dakon Wup da gen on nimik yan dayinba kan, tepmi dima nandan gadani. Asi, Pinjkop dakon Wup da gen yomik bo dima, yan do panjilikeg pindatni.

<sup>2</sup> Pinjkop dakon Wup da pi asak bo dima yanon da kan nandanyo ani: Amin kinda da Yesu Kristo unun aminsi dagagit yan yosak kan, unun Pinjkop da yabekdak yan nandan imni.

<sup>3</sup> Mani amin kinda Yesu do yan dima yosak kan, unun Pinjkop da dima yabekdak, unun Kristo dakon uwalni dakon wup da yabekdak. Unun don apdisak yan kili nandawit. Unun kili abik da miktimon egisak.

<sup>4</sup> Minjat monjyono, ji Pinjkop dakon amin kabi ekwan. Wup jikon egisak unun da wup yokwi miktim aminon pi asak unun yapmandak, do ji kombi amin toptopmi unun kili pabin yopgwit.

---

**3:23:** Jn 6.29; 13.34    **3:24:** 1Jn 4.13    **4:1:** Mt 7.15; 1Tes 5.21;  
1Jn 2.18; 2Jn 7    **4:2:** 1Ko 12.3    **4:3:** 1Jn 2.18    **4:4:** Mt 12.29;  
1Jn 5.4-5

<sup>5</sup> Uņun amin kabi uņun miķtimon nani, do gen yon uņun miķtimon nani ban yaņakwa miķtim amin da geni nandan yoman.

<sup>6</sup> Nin Piņkopmon nani. Piņkop nandan iman amin uņun da genin nandan niman. Mani amin Piņkopmon nani dima uņun da genin dima nandan niman. Yaņon da Wup bami ae wup toptopmi kokwin aman.

*Piņkop do but dasi galak taņ imneņ kaņ, amin do yaņ ģin aneņ*

<sup>7</sup> Not kabi, amin do but dasi galak taņ yomyom anpak uņun Piņkopmon da abisak, do amin do but dasi galak taņ yomneņ. Amin morap amin do but dasi galak taņ yoman uņun Piņkopmon da altanbi, ae Piņkop nandan iman.

<sup>8</sup> Piņkop uņun but dasi galak taņ yomyom dakon ami, do amin kında amin do but dasi dima galak taņ yomisak uņun Piņkop dima nandan imisak.

<sup>9</sup> Piņkop da iyi dakon Monji kalonį naņ nin da egip egip uņun obakon da abidoneņ do yabekban miķtimon piģit. Piņkop yaņ anek nin do but dasi galak taņ nimisak uņun noligit.

<sup>10</sup> Amin do but dasi galak taņ yomyom anpak uņun yaņ: Nin da Piņkop do galak taņ inguman uņun da yo bami dima agit, mani Piņkop da nin do but dasi galak taņ nimineķ Monji yabekban nin dakon diwari wiririt do kimakgit.

<sup>11</sup> Not kabi, nin do but dasi galak taņ nimineķ yaņsi agit, do nin kalonį kalonį amin do but dasi galak taņ yomiņ kimotneņsi.

<sup>12</sup> Amin kında da Piņkop dimasi kagit, mani nin

amin do but dasi galak taŋ yomneŋ kaŋ, Piŋkop ninon egisak, ae but dasi galak taŋ yomyom anpakni unun ninon bamisi tosoŋ.

<sup>13</sup> Piŋkop da Wupni nimgut, do nin Piŋkopmon ekwamaŋ ae Piŋkop ninon egisak yaŋsi nandamaŋ.

<sup>14</sup> Ae Dat da yo agit unun kili kagiŋmaŋ, unun Monji yabekban miŋtim amin kisisi yokwikon baŋ timit do pigit. Nin unun dakon yaŋ tenŋenok amaŋ.

<sup>15</sup> Amin kinda da Yesu do asi Piŋkop dakon Monji yaŋ yosok amin Piŋkop unun aminon egisak, ae unun amin Piŋkopmon egisak.

<sup>16</sup> Nin nandamaŋ, Piŋkop da nin do but dasi galak taŋ nimisak, ae nin unun dogin nandaŋ gadamaŋ.

Piŋkop unun but dasi galak taŋ yomyom anpak dakon ami. Amin kinda but dasi galak taŋ yomyom anpak anek egisak unun amin Piŋkop gat ekwamal, ae Piŋkop unun amin gat egisak.

<sup>17</sup> Nin yaŋsi egipneŋ kaŋ, but dasi galak taŋ yomyom dakon anpak ninon bamisi tosak. Nin on miŋtimon Kristo yombem da ekwamaŋ, do Piŋkop da amin kokwin asak bisapmon pasol pasol dima aneŋ.

<sup>18</sup> Amin kinda amin do pakyaŋsi but dasi galak taŋ yomisak unun pasol pasol dima nandisak. Butdasi galak taŋ yomyom dakon anpak egip egipninon bamisi tosak kaŋ, pasol pasol yolban kiŋ mudosak. Kobogi yokwi timitdamaŋ yaŋ do anek pasol pasol nandamaŋ. Amin kinda pasol pasol nandisak unun amin but dasi galak taŋ

yomyom dakon anpak egip egipnikon bamisi dima tosok.

<sup>19</sup> Piŋkop da mibiltok nin do but dasi galak taŋ ningut, do nin amin do but dasi galak taŋ yoman.

<sup>20</sup> Amin kinda “Nak Piŋkop but dasi galak taŋ imisat” yaŋ yosak, mani paŋmuwukbi notni kinda do nandaban yokwi tok animisak kaŋ, uŋun top amin kinda. Amin kinda notni noman pindakdak uŋun but dasi dima galak taŋ yomisak, uŋun amin Piŋkop dima kokogi uŋun but dasi aripmi dima galak taŋ imisak.

<sup>21</sup> Kristo da gen teban kinda ningut uŋun yaŋ; Amin kinda Piŋkop do but dasi galak taŋ imjak kaŋ, paŋmuwukbi notni do yaŋ ginsi asak.

## 5

### *Miktim dakon tapmim abij yipmanŋaman*

<sup>1</sup> Amin morap Yesu uŋun Kristo, Piŋkop da miŋat amin kabini yokwikon baŋ timitjak do manjikbi amin yaŋ nandaŋ gadaŋ uŋun amin Piŋkopmon da altaŋbi. Amin morap dat kinda do but dasi galak taŋ imaŋ uŋun miŋat monjijoni kisi do yaŋ gin nandaŋ.

<sup>2</sup> Nin Piŋkop but dasi galak taŋ imamaŋ ae gen tebani guramikgamaŋ kaŋ nin yaŋsi nandanen, nin Piŋkop dakon miŋat monjijoni but dasi galak taŋ yomamaŋ.

<sup>3</sup> Piŋkop but dasi galak taŋ imamaŋ kaŋ, nin gen tebani guramitnen. Ae gen tebani uŋun guramit do jigi dima pamaŋ,

<sup>4</sup> nido amin morap Pinjkopmon da altanbi unun da miktim dakon tapmim abin yipmanjan. Nin nandan gadatnin do anek emaron teban tanek miktim dakon tapmim abin yipmanjaman.

<sup>5</sup> Namin dasi on miktim dakon tapmim abin yipmandak? Amin Yesu do Pinjkop dakon Monji yanji nandan gadan unun da.

### *Pinjkop Monji dakon gen*

<sup>6</sup> Yesu Kristo unun abinek telagi pakbi sogit, ae yawini tilak kindapmon tagalgit. Pakbi gin dima sogit, yawini yo kisi tagalgit. Telagi Wup, gen bami dakon amisi, unun da Yesu Kristo dakon mibili yan tenjenok asak.

<sup>7-8</sup> Telagi Wup gat ae pakbi gat ae yawi gat unun kapbi da Yesu Kristo do yan tenjenanba gen kalonji asak.

<sup>9</sup> Amin da gen yon unun nandan gadaman, mani Pinjkop da Monji do gen yagit unun da amin dakon gen yapmandak.

<sup>10</sup> Amin kinda Pinjkop dakon Monji do nandan gadasak unun Pinjkop da gen yagit unun abidanek burikon yipmandak. Mani amin kinda Pinjkop da Monji do gen yagit unun nandaban bami dima asak kan, unun amin Pinjkop do top amin kinda yan yosok.

<sup>11</sup> Pinjkop da Monji do yan yagit: Unun da egip egip dagok dagogi mini nimdosi yagit. Unun egip egip dagok dagogi mini Monjikon tosok.

<sup>12</sup> Amin kinda egip egipnikon Pinjkop dakon Monji gat kalonji ekwamal unun amin egip egip

dagok dagogi mini kili abidagit. Anjakwan amin kinda Monji gat kalonji dima ekwamal unjun amin egip egip dagok dagogi mini dima abidosok.

*Egip egip dagok dagogi mini kili abidagimanj  
yanjsi nandanen*

<sup>13</sup> Pinjkop Monji dakon man do nandanj gadanj iman amin, ji da egip egip dagok dagogi mini kili abidawit yanj nandani do anjek gen on mandanj damisat.

<sup>14</sup> Do but bamori mini injamikon agek yanjsi nandanen, nin Pinjkop dakon galaktok yolek bisit iyinenj kanj, bisitnin nandanj nimdisak.

<sup>15</sup> Bisitnin kisi nandanj nimisak yanj nandamanj kanj, yo nido bisit iyamanj unjun abidokdamanj yanjsi nandanen.

<sup>16</sup> Amin kinda da panjmuwukbi notni kinda kanjakwan wupni aripmi dima kimotjak da aripmon yokwi kinda asak kanj, bisit anj iban Pinjkop da egip egip imjak. Nak wupji dima kimotni da aripmon yokwi anj unjun do yosot. Yokwi kinda tosok unjun anjek wupji wagil kimotdanj. Nak unjun do bisit ani do dima yosot.

<sup>17</sup> Anjak morap kilegi dima amanj unjun kisi yokwi. Mani yokwi diwarj unjun da kimot dima anjalon anj.

<sup>18</sup> Nin nandamanj, Pinjkopmon da altanbi minjat amin morap unjun yokwi dima anj anj anj. Pinjkop dakon Monji da panjcutnosok, do Yokwi Ami da aripmi dima igayisak.



<sup>19</sup> Nin nandaman, nin Piŋkop dakon miŋat monjiyoni ekwaman, mani amin diwari morap Yokwi Ami da kilani asak.

<sup>20</sup> Nin nandaman, Piŋkop dakon Monji da abin Piŋkop bamisi nandan imnen do butnin paban pisagiman. Nin Piŋkop bamisi gat ae Monji Yesu Kristo gat gadat gadat agiman. Yesu Kristo unun Piŋkop bamisi, ae egip egip dagok dagogi mini dakon mibilisi.

<sup>21</sup> Miŋat monjiyono, ji kokup kidat\* da kagikan egipni.

---

\* **5:21:** Kokup kidat unun Piŋkop yipmanek yo ninan egip egipgokon yo madep yan nandisal unun da kokup kidatgo asak.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 1 Oct 2024 from source files dated 31 Aug 2023

b683ce50-d820-5bfc-8471-d8ee080be106